



算步數個人

蛤蟆戴在古井肚，毋知天恁清，地恁闊；自細斯青睞個人，毋知麼个係烏，仰脣安做白？桃花靚，靚在哪？寒天時該淡淡个清香，係詩人讚嘆个梅花。用手摸，用頭那恤，對無概念个厥等來講，除撇香味个分別，心肝肚个桃花梅花，係共樣个東西。年年分大路停動毋得个賞花人潮肚，尋毋著厥等个身影；素絲个戲院、好看个戲齣，同厥等無緣，係啊！井肚个蛤蟆在古井肚，有好食、有好搞，繼續恁泥戴，曾毋好？

毋過，佢看過天个清，地个闊。無比較，心係天逐日清；無分別，心係地闊茫茫。佢對天清地闊所在，一下墜落古井肚。面前个烏，分佢驚徒步驚出門；四圍个烏，分佢怨天怪地罵大咄細。心肝肚个烏還較慘，分佢日日捶心打肝目汁連連。一個工地个毋堵好，彩色世界斯將恁泥斷影咧，像煞棚个戲院布幕，烏底白字單淨一個勞瀝觀賞，過後斯係一大片个烏。做麼个係佢？佢毋甘心，毋甘心又仰脣？舖娘還嫩，細人還細，世大人愛畜，擘開目，下下愛使錢，單淨一屑屑个保險補償金，哪會罇用？時到歸家人敢正經愛等死？

對毋甘心到愛接受自家既經係青睞个事實，係艱難个，愛躡出屋家个第一步，又還較無簡單。擺在面頭前愛食个苦，愛過个難關，像梯礮，層層疊疊，若無該个大氣命、勇氣，哪會躡得過？兩長年个時間，對算步數開始，課程、學習、曉坐火車，在火車頭替人客捉筋骨，這中間係血、汗同目汁个累積。到今，日日使个還係筋頭暗力，人客係多係少無相干，盡少係毋係屋家个閒寮人，社會个寄生蟲。下次擺準講你在火車肚堵著佢，請你莫好心來牽佢，因為若个熱心，會紛雜佢既經算好好个步數，步數一亂，續落來个行程斯係斷線个紙鵲。所以，你若有心來搵手，頓下腳，歇睏下，分吾這兜來替你服務，你賺著个係鬆爽，係快活个心情，吾等賺著个係尊嚴，係分屋家人免致枵肚屎个工錢。

作者：劉玉蕉

☆詞彙學習☆

【素絲】su` si+：舒適美觀。

【戲齣】hi` chud`：戲碼。

【捶心打肝】chui` sim+ da` gon+：比喻抑鬱之至。

【斷影】ton+ rhang`：消逝無蹤。

【一屑屑】rhid` sud` sud`：一點點。

【大氣命】tai` ki` miang`：功夫力氣。此處指決心毅力。

【兩長年】liang` chong` ngien`：足足兩年。

【捉筋骨】zog` gin+ gud`：指按摩推拿等事。

【準講】zhun` gong`：如果說。

☆文法學習☆

【頓下腳，歇睏下】dun` ha` giog`, hied` kun` ha`：暫時停下腳步，休息一下。「下」意為「一下」，與動詞連用，有動作施行時間短暫之意，也常用在表示「嘗試」的情況中。

例1：阿姆在灶下切菜，你去同佢搵手下！（媽媽在廚房切菜，你去幫忙她一下！）

例2：你鼻下看，看這飯有臭餿無？（你聞聞看，看這飯是不是餿掉了？）